

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 37 (1951)

Artikel: Poesias
Autor: Defuns, Teodora
DOI: <https://doi.org/10.5169/seals-882028>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 22.02.2026

ETH-Bibliothek Zürich, E-Periodica, <https://www.e-periodica.ch>

Poesias

da

Teodora Defuns, Darvella, Trun

Cor ed unda

Undas sbattan viers las rivas,
Fieran tut bufatg umbrivas,
Tuornan lura cuntentadas
Dallas flurs carin bitschadas
Viers la buola ch'ei profunda
E satiara mintga unda.

O carstgaun, cur che tristezza
Destruescha la bellezza
De tes siemis, ses' adina
Sper in' aua che cantina.
Quei dedesta en l' ureglia
Regurdientscha pli marveglia
Dil bi temps, che sper la tgina
Tia mumma tei adina
Durmentava e bitschava.

La giuvna fontauna

Agl ur dil glatscher in' uldauna
Contempla la giuvna fontauna,
Ch' en tgina carpus' ei naschida
Dil bab si en tschiel benedida.

L' auetta nuot datga la matta
Che sper sia riva secatta,
Surcusa per mintga fluretta
Cun aur ina biala rassetta.

Ferton che la guila camina
Tras seida schi pura e fina,
De sia lavur incantada
La dieua cantina beada.

Ils tuns dil bi cant dell' uldauna
Cumpognan la giuvna fontauna,
Ch' encunter la mar uss camina,
Emblida la tiara alpina! —

Desideri

Sil crest sur miu vitg paradescha
Maria, tiu sogn sanctuar.
Egl jester mei po benedescha!
Jeu less tier tei, mumma, turnar!

La sera en tiu sanctuari
Bugen less jeu s' enschanugliar
E cun devoziun in rusari
Avon tiu maletg recitar.

La fatscha a mi ton carina
Jeu less lu puspei admirar.
O mumma, a ti less adina
Il mal de miu cor confidar.

Miu cor e la notg

La notg ei cheu. Miu cor profund suspira.
Jeu uardel el lontan. Ei tut cuvretg
De nebla grischa, greva, stgira.
Mo ils utschals aunc sguschan sut il tetg.

Ruaus profund! Mo tscheu e leu s' envida
Vid quella tenda stgira ina glisch.
Uss teidla cor: Tut tes quitaus emblida,
Raquenta allas steilas tiu giavisch!

Raquenta, gie! Mo sa' l carstgaun daveras
Plidar sun steilas, auas, cun la mar,
Levgiar il cor da mals e da miserias
Ed alla notg suletta lamentar?

O gie, quei sas ti far! E la tristezia
Enzuglia ella en ruaus profund,
Sco ina buna mumma plein carezia
Durmenta siu affon cul betsch sil frunt.

Vent seril

Il vent ch' undegia tras la val
carsina fein e flur,
entaupa bia legri' e mal,
fagend da notg siu tur.

Gl' uaul ramura mo bufatg
e plaيدا tut discus
in nunenconuschent lungatg
che tuna marveglius.

La brausla flomma della glisch
il vent fa ballantschar.
Miu cor surprius d' in grond giavisch
entscheiva a semiar.

Il vent ch' undegia sco la mar
sul mund ch' ei durmentaus
miu cor migeivel fa semiar
d' in temps ch' ei uss vargaus. —

Nozzas

Ils mats han gl' esch-casa cun dascha ornau.
Las giuvnas han fluras el verd cavegliau.
Damaun vegn la spusa quei tut bandunar,
E quei che suond' ei pitir, carezar.

Sin sava paterna retegn ell' il pass
E di zun surprid' e stuida da bass:
«Lusiuns giuvenilas stoi ussa satrar,
La vet' en verdad ei pitir, carezar!»

Il viadi entscheiva cun flurs e canzuns,
E l' orgla cumpogna ils spus cun ses tuns
Entochen il plaid decisiv agl altar,
Che clom' en memoria: «Pitir, carezar!»

Schegie che lur cor, quietaus e cuntents,
Retscheiva giavischs dad amitgs e parents,
Dus plaids sco fargliuns els vulan salvar:
La veta vegnient' ei pitir, carezar!

Ils mauns della tatta

In maun tut brin e rubigliau
Miu égl ha oz surpriu,
In maun sil bi scussal sdrimau
Sco sch' el vess tut finiu!

D' aveinas blauas, crusch, traviers,
El ei tut spess surtratgs,
E tras la dett' in paternies
Seleischna beinbufatg.

Sa contas uras, sa conts dis
Quei maun ha frestg barhau?
Uss stat el eri, — in avis,
Che prest ei tut vargau!

Sa, sch' era jeu in di sco ti
Sai metter mauns a Diu,
Cuntent' e resignada di:
Per mei ei tut finiu? —

Mia tatta

Sper la pegna bandunada
Stat la roda durmentada,
Stgira ei uss la stivetta,
Bandunada la casetta!

Cheu viveva mia tatta
Sco luvrus' e prusa matta.
Sper la roda cantinava
E de dultsch' amur semiava.

Cheu eis ella stada spusa
E pli tard la mumma prusa
Che la sera tard filava
Ni per ses pignets cuntschava,

Sco dil cauld suleagl ils radis
La carezia pils beadis
Nus adina demussava,
Bia praulettas raquintava.

Ves' jeu ussa en stivetta
Della tatta la rodetta,
Vegn a mi l'encarschadetgna
Per la cara giuventetgna.

Tat, mo tei!

Mo in carstgaun hai jeu sin tiara
Sco tei, car tat, giu carezau!
Bein eis ti uss daditg en bara,
Mo jeu hai tei mai emblidau.

Jeu vesel tei la primavera,
Cur che flurescha nies curtgin,
Cuntents passar tras la pumera,
Sin mei drizzaus tiu égl carin.

Jeu vesel tei cur ch' en furtina
La faultsch gizzada fa canvau,
Cu la medunza frestg cantina,
E monas pusan sper clavau.

Jeu vesel tei gl' atun adina
A raccoltar il fretg madir.
Jeu vesel tei cu la purgina
Fa tuttas flurs sil mund pirir.

Jeu vesel tei cur che las pradas
Sedurmentadas ein gl' unviern,
Cu la natira sut nevadas
Ruaussa, pus' e fa in sien.

Aschia varga mia veta.
Car tat, la fin jeu roghel tei,
Miu cor, o tat, po buca sbetta,
En tia bratscha siara mei! —